

INUIT ATAQATIGIIT INATSISARTUNI



UPA2023/33
Majip 19-iat 2023
Harald Bianco

Nunat Avannarliit Killiit Siunnersuisoqatigiiffiata kaammattuutit aalajangersagaanik nr. 3/2022-imi Inatsisartut ilaliinissaannik siunnersuut:

Nunat Avannarliit Killiit Siunnersuisoqatigiiffiata Islandimi, Kalaallit Nunaanni Savalimmiunilu naalakkersuisunut kaammattuutigaa pinngortitamik tunngavilimmik takornarniartitsisarnermut nunani avannarlerni killerni nunat periusissiat aqqissuussinerillu qulaajarneqarlutillu sanilliuqqarnannik ingerlataqaqqullugit, tassunga ilanngullugit nunani pineqartuni takornarniartitsisarnerup annertusiarturneranut atatillugu pinngortitamik atuisinnaaneq illersuinerlu, suliassaqarfimmi suleriaatsit pitsaanerpaat suussusersineqarnissaat paasiniarlugu.

(Aallartitat siulittaasuat Kim Kielsen)

Siullermik Nunat Avannarliit Killiit Suliniaqatigiiffianni nunatsinni siulittaasorput Inatsisartut siulittaasuat qutsavigaarput kaammattuummumut ilaliinissamut aalajangiiffigisasatut siunnersuutaanut.

Nunatsinni takornariaqarnikkut sumiiffinni amerlasuuni ineriartortitsinissaq suli pingaarutilerujussuuvoq aamma aningaasarsiorfissatut ingerlatsinermi, kusanartumillu avammumut nittarsaassinemut. Taamaattorli Inuit Ataqatigiinnit isumaqarpugut tamanna peqqissaarullugu isumatumillu ilaatigut nunamut ajornartorsiutaalertussaangitsumik aqqissorneqartariaqartoq.

Pingaaruteqarportaaq Nunat Avannarliit Killiit Suliniaqatigiiffianniit nunat suleqatigiit akornanni takornariaqarnermi periusissiat suleqatigiinnikkut assigiiarnerusumik aqqissornissaat. Pinngortitaq eqqartortillugu soorunami takornarissanut neqeroorutissaavoq pilerinartorsuaq assigiinngitsorpassuarnik misigisaqarfiusinnaasoq. Taamaattorli eqqaamasariaqarparput, nunatsinni piniarnermik aalisarnermilu inuussutissarsiutigalugu atuisut amerlammat. Allatut oqaatigalugu, eqqaasakka inuussutissarsiutigalugu atuisut tassaassapput nunami atuinerat mianeralugu minnerunngitsumik aqqissuussierni taakku suleqatigeqqissaarlugit periusissiat suliarineqartariaqartut Inuit Ataqatigiinnit isumaqarpugut.

Pinngortitamut illersuineq eqqarsaatigalugu atuinermi maleruaqqusat ersaarissut sukkannersullu atuuttariaqartut Inuit Ataqatigiinnit isumaqarpugut. Nunaminertat ilai kommunit iluaniipput, avataaniittullu Naalakkersuisoqarfimmiillutik. Taamaattumik Inuit Ataqatigiinnit isumaqarpugut, nunaminertanik atuinermut maleruaqqusat aqqissorneranni Kommunit Naalakkersuisoqarfillu suleqatigeqqissaartariaqartut.

INUIT ATAQATIGIIT INATSIARTUNI



Takonariaqartitsinerup inuussutissarsiutitut assigiinngitsunut sunniutigisartagai piffimmiit piffimmut assigiinngissinnaasassasut qularutissaanngilaq. Inuussutissarsiorfitut nunaqartutut pinngortitaq atugaat ilaatigooriarluni atuisut eqqarsaatigivallaarnagit takonarissanut nunaminertanik atugassanngortitsisarneq naammattuugassasarpog. Taamaatoqartillugu inuussutissarsiutigalugu piniartortavut akornuserneqarsinnaasarpog. Taamaattuminguna pilersaarusernermi atuisut peqataatinneqartarnisaat pingaaruteqartorujussuusoq Inuit Ataqatigiiniit isumaqarpugut.

Soorunami aamma ajunngitsortaqarpog, inuussutissarsiutigalugu piniartut ilaatigut takonariaqarneq saniatigoorlugu ingerlattarmassuk, taamaalillutik sanitigut aningaasatigut isertitsivigisarlugu. Soorunami aamma kulturitta ilangaatsiarsua tassuunatigut avammut kusarnartumik nittarsaanneqartarluni.

Pinngortitami atuinermi akiliuteqarsinnaaneq pillugu nunat suleqatitta qanoq periu-seqarnerat tusassallugu pissangartuussaaq, tamatumalu nunatsinni atuutilersinneqarsinnaanissaa eqqartugassaqqittoq Inuit Ataqatigiiniit isumaqarpugut.

Inuit Ataqatigiiniit isumaqarpugut takonariaqarnerup inuussutissarsiutigisinnaanera nakkutigeneralu innutaasut tamatta akisussaaffigeqataasariaqarippog. Soorunami ileqqoreqqusat iluini piumasaaqatit aallaavigalugit.

Nunatsinni takonariaqarneq maana ineriartorfimminiippoq, qularutissaanngilarlu misilitakkat alliertortillugit toqqammavissatut aalajangersakka aallaavigalugit siunissamik nutarterisoqartariaqartassasoq aamma inatsisitigut.

Naggataagut oqaatigineqartariaqarpog nunat pingasuulluta assigiinngeqigatta, piffinni misilitakkat aamma assigiinngeqimmata suleqatigiinnikkut suut eqqumaffigineqarsinnaasut; ajortuuppata ajunngitsuupataluunniit suleqatigiinnikkut avitseqatigiiffiusumik pisarsiffigilluarsinnaassagivut.

Qujanaq.